

PZ

8

.M45

1890




~~398.2~~
M478v

BOOK 398.2.M478V c.1
MEINRAD # VON SANT MENRAT EIN
HUPSCH LIEPLICH LESEN WAS ELLEND



3 9153 00124240 5



Meinrad,

PZ

88

M4

1890

Won sant Meinrat ein

hiep schlieplich lesen was effend vñ armüt er
erlitten hat.





Nicht fahet an ein hupschleschen von dē lieben heil-
gen herren sant Menrad / Der eins edlen gra-
uen son was / mit namen Graff Berchtolo vō
Sulgow / vnd wie der iung graff sant Men-
rad gebozē / vnd biß in das fünffte io: vō synem vatter er
zogen ward / Dar nach wie er ein geistlichs lebē sich ver-
williget / vnd wie nun syn vatter dar zū hilffig was / vnd
für in in die Richnaw / do selbs was der apt des egenā-
ten graff Berchtols o hem / dem befalch er synē sūn sant
Menrad / das er in solte lernē geistlich zucht vnd tugēt /
als ouch geschach / wā der iung herre wüchs vff / vnd leit
wol zū / an liebe / an kunsten / vnd an tugenden / vntz das
er priester ward . Dar nach wie er sich hielt in priesterli-
chem stat vntz an syn ende / das würstu her nach hören in
siner legend / vnd ist das der aneuang wie vnser lieben
frowen cappel zū den ein sidlen von sant Menrad selbs
gebuwen wart / mit synē heiligen hendē / vnd hies zū den-
nen ziten in dem vinstern wald / wan niemā da gefessen
noch wonend was . Vnd ouch her nach so vint man von
stück zū stück gemalt des liebe herren sant Menrats le-
ben / vnd wie er ermōrdet ward von den zwein mordern
geboren vß einer stat geheissen Nörlingen / der ein hies
Peter vnd der ander Richart / vnd ouch wie die mordern
zū zurrich geuangen worden / vnd vff redern gesetzt / vnd
wie die räppen sant Menratz abzyt vff die mordern sta-
chent / vnd nie von innen wolte kōmen biß das sye vff dē
redern todt waren / do flugent sy wider in den vinstern
wald / Vnd ouch wie die selbe cappell sechzig io: wüß
lag noch sant mentatz todt / vnd wie sy da wider gebuwē
ward / Vnd dar nach wie sy got selbs wißet mit synē hei-
ligen hendern / vnd mit synen lieben engeln in der ere sy-
ner lieben mūter Marien / Vnd wie Leo der bapst dis
wiße bestatigt hat / als es her nach gemalt stat . vnd dar
umb sol yeder mā disse cappel sūche i vnß liebe frowē eer

Dis ist wie graff Berchrold von Sulgow
 got von himel bad vmb ein sun/das er nit on
 lyb erbe sturbe/vnd dar vß wolt er einen geist
 lichen menschen machen +



Ewas zu Sulgow vff der Tünow ein Graff
 geseßen / der hies Graff Berchrold von Sul-
 gow/ vnd was gar edel/ vnd woll geborn/ wan
 das er nit vil güts hette/ darüb so müß er synē
 sun nach synem vermögen beraten vnd versorgen nach
 a ij

synen statten. ¶ So gab im got einen sun / der ward ge-
 nempt Menrad / vñ do der self knab in dem fünffte ior
 was / do firt in syn vatter in die Richnow / vnd befaich
 in einē abt in dem selben Closter / der hieß mit synem na-
 men Barro / Der self abt was graff Berchtoles nechster
 frind / vnd bat in / das er das self kindes synen sun in den
 orden enpfienge / vñ es do geistlich zucht lerte durch got-
 tes willen .



Der Abt het das / vñ enpfienge das kind in den orden
 durch gottes willen / vnd durch syns Dehems willē / vñ

satz es zu schüle/vnd lerte es die heiligē gschrifft vñ geist
 liche zucht. Das kind wuchs nit allein an dem libemer
 an künsten vnd an geistlicher zucht für alle ander syn ge
 nossen/vnd ward ein spiegel aller der münchē so in der
 Richnow warent vnd nach dem louff der jore do ward
 er ze priester gewicht/vnd sang do syn erstemse.



Vnd het er vormols wol gethon in schülerwisse / so thet
 er vil me gütcheit in priesterliche stat vñ wesen / Also das
 er lüchter für alle ander priester recht als der morgē stern

ehüt für die andren sternen. Nun was do zemol an dem
 zurrich See jänen ob rapperswile ein Closter gelegen /
 dar in warent zwölff münch/das gehört gen richnaw die
 selben münch batten den vorgemelten iren Abte in der
 richnow/das er inen ein münch sante/der do iunge schü
 ler lerte,



Die bringe man den Abt borschaft vō einē clo-
 ster lag am zurrich See hieß zenaw/vñ der selb
 abt begerte sant Wenrat ze han in synē Closter
 die iungen zeleren.

Do sant er synen Dehem sant Wenraten zñ einē schül /

meister. Vnd do er etwe vilzys vnd iaren gewesen was /
do zoch in sin gewissen in die wustin / vñ dar in ward syn
begierd also groß / das er eins tags zu den iungen schüle-
ren vnd münchen sprach.



Lieben Herren vñ Brüder, wollent wir über See faren in
die wustin vnd in die welden / das wir do in den Bachen
vñ reuerē die dar inne rinnēfische vahent So sprach er
a iij

sy her meister ja/wir wessen gern faren vñ gen mit euch
wa hin ir wissent.



Hie vert sant Wenrat vber den zurrich See
synen iungen schülern/vñ wessent in den wald
fischen/vnd das er mög sehen wo es im eben sy
ze wonen.

Also farent sy den See abhin gen richliswiler/da warē
hüser/vnd oberthalben dem See was kein huf. Vñ do
sy da hin kamēt/do gingen sy in einer reinen witwē huf/

Dar in lieffent sy ir gewant Das sy es nit zerbrechēt in der
 wustin / vnd kerten gegen einen wald an einē bach durch
 vffpontz an ein anders wasser / Das heisset die Sile /



Hielant lasset Wenrat vñ syn iūgē schüler
 die kleid er by der witwan / vnd gant fische bis
 an den dritten tag / vnd also spehet er ein wo-
 nung in dem wald.

Sy fiffcherent das wasser durch vffpontz aber an ein and
 wasser / Da kamēt sy an ein ebene die heisset Bender / die

selbe ebne gfiel Sant menrre gar woll/ vnd er gedocht
 in synen sinne vnd in synen hertzen // Das er suchen wolt



ein flecken in der wustin / Der im gar wol gefiel mie prü-
 nen / mit ebne vnd anderē sachen als do ze wonende / wie
 wol er ioch sprach zu den liden / er were nu vmb fischentz
 willen vs komen / vnd wen die iungen münche sprachet
 Meister wir hant fisch genüg / So sprach er al moß / wir
 solken noch mee fischen. Das thet er darumb das er die
 wustin wolt basz besehen / ob sy im recht were dar in zewo-
 nen mit synen iungen münchen vnd brüdern. Vnd die

wiſtin gefiel im wolſſyn leben darinne zū volbringen



Hie fiſchen ſy in dem bach an dem gebirg/ vnd
ſant menrat ſpehet in ſynē ſin/wo es im ebē wer
zū wonen in dem wald.

Vnd do ſy vnz an den dritte tag giengent fiſchen/ Bede
an der Syle vnd an der alb/ do koment ſy in den finſter
ren wald an die ſtat da yetz vnſer frowē cappel lyt. Die
ſelb ſtat gefiele im gar wol/ das er im in ſyn hertz ſatz wē
er in die wiſtin gon wolte ſo wolt er da ſyn leben vertri
ben/ vnd kerte ſich do wider vmb an das waffer do er ſyn
ſchüler hette geloffen/ vñ ſprach zū eynē / wir welle wider

Eren/wen wir hand vns gnug ergägen/vnd hand auch
fisch gnüg/vnd kamēt wider abhin gen richtliswil in der
witwen huß/Dar in sy ir gewand gelassen hertent.



Hie sint sy wider kome vnd siedet vnd bra/
zent die fisch/vnd essent by der witwe. vnd
sy meint sy weren verlorn/das sy als lange
warent vß gewesen.

Vnd da sodent vnd brietent sy die fische die inen in der
wustin über wurden / Vnd nach dem imbis do fürent

sy wider hein in dz Closter. Vnd ee wen sy von Dannen
 fürent/ do sprach sant Menrad zu der witwen also.



Liebe frow ich hab etwas mit eüch zereden heimlich/ das
 höre durch got. Si sprach das thün ich gern. do sprach
 sät Menrad / Keine frowe ob ein armer priester begier-
 de vnd willen hette das er syn leben in der wustin durch
 gottes willen ver triben wolte/ wer auch yeman hie vmb
 gesessen der in das almüssen geben wolte durch gottes

wilt das er mit Hungers verdurbe. Do sprach die frowe
ja sicherlich her/ Ich bin ein witwe/ vnd han weder man
noch kinder/ vnd hat mit got vil guts verlyhen/wa ich de
prieſter wuſte der ſyn leben also wolte verſchließen/dem
wolt ich keinē gebreſten lon. Mit der rede ſo ſchied er vō
der frowen/vnd kerte wid er in ſyn zelle/vnd do er wider
kam in das Cloſter/Do was ſyn anfechtung vñ begierde
ſo groſſwie er wider in die wuſtin kam/ das er gantz kein
rūwe hette ſon d in dē ſtritte/ſo der libe vnd der geiſt wid
ein ander hetent. Do geſigte der geiſt/vñ vber kam ſich
ſelber/das er durch gots willen geen wolte in die wuſtin/
vñ werre d iſer krieg ein gätz ior/vñ ſaget die bücher/das
er v̄lob nam von ſynem abte/vñ derte do ein abſcheid /
vñ leite hin all zytliche ding/vñ enpfalch ſich got dem al
mechtigen/vñ kerte hin vō dem Cloſter Lena zū der rei
nen frowen küß gen richli ſwil/vñ fande die frow geſūt.
vñ in allem dem willen als er ſy gelaffen hette. Vñ do
er ir zū erkennen gab/das er der prieſter were/der durch
gottes willen wolte gōn in die wuſteni. Do sprach ſy zū
yme/ Lieber her vñ min kint/ich ſorchten übelir ſint dem
ruhen herten vñ ſtrengen leben vil ze iunge/wan ſy wol
ſach/das er ein man was vmb. xviii. ior/ander geſtalt ſy
ner perſon / vñ was gar lieplich vñ zart vff erzogen vō
ſyner iugēt. Do sprach er frowe vñ mütter/ich han mich
gantz ergeben/got der volbringe/vñ tüge ſyne willē mit
mir. Vñ do die frow ſynē willen vñ den groſſen ernſt er
ſach/das er ſich got ergeben hette / vnd ſo veſte vnd ſtette
was in ſynen gūten willen. Do fūrt ſy in von dem See
hin vff in den wald mit ſer von dem do:ſſ/vñ machte int
da vff die Hoffſtat ein celle/dem man noch ſpricht Sant
Menrads Hoffſtat. Dar in was er ein ganzes ior/das
in die frow büſte/vñ im gab all ſyn nōrdurſt/da mit die
ner er got mit ernſt vnd mit andacht/vnd mit ſtrengē vñ



herten leben/mit fasten/wachen/betten/synge/vnd lese/
vnd mit aller güter vbung/so dan ein mensch in gottes
willen geheim kan oder mag/vnd ward do ein groß zü-
louffen zü ime von reinen seligen vñ güten andechtigen
lütendie in do heim süchte/vmb syn güte selig vñ andech-
tig lebē. Do er sach das die welt also sere zü im zoch/do
wolt er flyche lyplich wellust vnd weltlich rüme den er
do herr/vnd sprach zü der frowen/Got dancke ouch alles
des güten so ir an mich geleit hant/vnd gebe ouch got das
ewig leben/wan ich will nit mee hie blibē/wan miner wol-
lust ist hie zü vil/ich will süter in den wald ein ander wo

nung suchen, do ich den lüten vner kane belibe / vnd wiser
 ick erlär wo ich sy / als wo ich mine woung in dem wald
 hab / so sendent mir durch gottes willen über almüssen /
 so ick got vermane. Hie mit schied er von der frowen /
 vñ von syner zelle / vnd ging vñ suchte den finstere wald
 dar in er vormalis gewesen was.



Vnd do er hoch vff den Erzel kam / vnd syn brüder der
 mit im ging. Do sach der brüder hinder sich / vñ sach ein
 rappeneste ligen vff einens boume / vnd zwen iunge rap-
 pen in dem neste. Do ließ der brüder samt Wentad für

in gon/vnd nam er die iungen rappen in synen mantel
 vnd gieng sant menraten nach/vnd kerten in den vinsten
 ren wald / vnd kam mit gottes hilff an die stat die er in
 selbs hie vor erwellet hette/ da noch hürt by tag vnser lie-
 ben frowen cappel stat/vnd ließ sich do nyder/vnd fieng
 an zü buwen mit syn selbs lib vnd synen henden ein zelle
 dar innen er got dienen wolt / vnd leid do vil hungers /



Durstes / frostes / vnd vil ander lipliche forchte / als ein ar-
 mer mensche woll achtzehē ior lang / das er lipliche troste
 b



nie gewan/wan er allein was / wan der brüder was von
 yme gangen / vnd hett nüt anderswan als vil vnd ins
 Die reine witwe von rickliswile thette/die im ir almüsen
 Durch got sante By yren botten/vn d als vil er von de iun
 gen rappen freud hette so er innen zü essen gab. **N**ün
 was zü woltowe gefessen ein zimmerman / der begieng
 sich des waldes / der fant sant menrat in dem wald in si
 ner zellen / den wondert seer / das do ein liplicher mensch
 in der wilden wüste vor den wildē tieren beliben mochte /
 Der selbe zimmerman thett den lüten zü verstan / das



ein geistlicher mōnsche in dem finstren walde gefessen we
re/vñ do ward offenbar syn wōnung vnd wesen an dem
zürich See gar wyte in das lant / Also das in die lüte
do heim sūchten mit ynnikeit.

Nun was dem zimmerman gebo:rn ein iūnges kinde
lin von siner frowen. So lieff er in den wald / vnd batt
sant Wenrat das er als wolthette luterlich durch gottes
willē/vnd mit im gienge gen Richilischwile/ vnd ime syn
kind vs de rouffe hūbe/ Das theet der heilig man gern/
vñ mit ganze flis/vnd ward syn geuatter. Do ward er



wider erkant in dem lande. Nun kam sant menrat wiß
 in den wald/vnd festiget synen lybe vil sere mit metti vñ
 mit messe singen/vnd mit anderen grossen arbeiten wolt
 achtzehen ior als hie vor: geseit ist/do wolt im got syner ar
 beit lonen.



Von den zweyn morderen die sant
 menrat ermorderet hant/

Gseit vns die geschrifte das do zween mör-
 der an dem zürch See kemet/die waren bür

sig von Nörlingen vff dem rießē/der ainer hies Peter /
der ander richart/die vernament das ein güter mensch
in dē finstren wald ge seffen wer / den gab der teufel in ir
synne/das sy zū rate wordent/vnd giengen in dē finstre
wald/vnd ermortent den güten menschen /vnd trügens
nach synem tode von dannen was sy do fundent/ wan sy
meinten sy solten vil pfenning funden han/vnd sy frag-
tent Sant Menraten nach/vnd ward er innē gewyser
in dem finstren wald/Vnd do sy erst kamēt in dē wald/
do koment die rappen/die Sant Menrat hat erzogen/
vnd schuffen zu innen/vnd schruwent also vast / das es
durch den gantzen walt erschal / vnd an der selben stun-
de do stund sant Menrat ob altare/vnd laß das ampte
der heiligen messe/Vnd do er in der stillmesse stund/ do
kam der heilig engel von himelrich/vnd sprach zu yme/
Menrat/got hat mich zū dir gesant/das ich dir verkun-
den sol/das er dir diner grossen arbeit lonen will / dar
vmb bis keck vnd vertzage nit / vñ lide gedultelich/Got
wil by dir sin in allen dinen notē.Vnd seit die geschrift /
das sant menrat an der menscheit erschrack / wan er ein
mensch was. Vnd als die mess volbracht wart/do leit er
sich crütz wyß nider für den altar/vnd bat got das er im
ze hilff vnd zū statten kem. Vnd in dem kamēt die mor-
der an die zelle sant menrats / vnd do die rappen also
vngestumlichen schruwen / vnd die morder an die zelle
schlügent vnd rüffen/das man sy in ließ/do erschrack er
noch me/vnd fiel aber nider für den altar / vnd bat gott
vmb syner gnaden. Die morder stondent an der zelle /
vnd schruwent vnd rieffen/das man sy bald in ließ. ob
sy wolrent die zelle verbrennen. So stund sant menrat
vff/vñ nam ein brot in ein hant/vñ thet die türē vff/vnd
grüßte sy lieplich/vñ bat sy nider sitzen essen vñ trincken.
vnd dar nach voll furēt das darumb ir hie synt. Do
sprachent die morder/warüb synt wir dan hie. do sprach



sant menrat/liebe kint/ir synt darumb hie dz ir mich wel
 ken töden/ **D**o sprachet die morder/ syd ir vns dz zihet/
 so müßles auch geschehen / vñ schlügen in mit bengelen
 vff synen rucke vñ vff syn houpt/vnd sprochent / ir böser
 müñchsuchent für her uwer pfenning vñ iwer güt also ir
 müssen sterken darumb/ **D**o sprach er/ als lieb mir got
 ist/ also werlich hab ich weder win noch brot / weder silber
 noch golt/ wan als ir hie gesehen hand. **D**o sprach der
 ein morder zu de anderen/ geselle du kanst nit wol schla/
 gen/ do nam er den kolben in die hant / vnd schlug sant



mentaten an syn heiliges haupt/das im syn hirn vff die
 fiisse ran/vnd der ein mo:der fiel vff in/vnd er würgt in
 als ein hoen. So schrey samt mentat / vnd sprach/ lieben
 tint enzündent bald ein liecht luterlich durch got/dz myn
 sele von differ welt on licht nit scheide / do mit schied syn
 reine sele von synem libe/vñ warent die heilige engel da
 vñ fürten die reine sele fur gottes angesicht/vñ do ward
 der wald vñ die zelle alle samet vol güttes geschmacks/
 als ob ein mensch alle die günten wurzen/krüter vñ sal-
 be vō differ welt/die ye gewüchset loß gemacht wurde/ge
 b iiii

schmeckt hette. Vnd do die morder des gesmacks innē
würden/ do erschrocken sy von hertzen vbel/ vñ sprachē
zū ain ander/ O we wir habent vbel thon / vnd sprach ai-
ner zu dem anderen/ zund bald ein licht an / als er vns
bat hie vor / das es bünne vor synen lichnam/ vnd na-
ment ein kertzē vff dem altar vnd einer wolt hin gon /
zu dem füre die kertzē an zunden/ vnder des nam der
ander morder die anderen kertzē/ vnd stalt die zū dem
houptē sant menrats/ vnd so bald er sy do gestalt do en
brant die kertz von den himelschen lichte/ vñ do das der




morder ersach das die kertz on das zytlich für was enb:ñ
nen / do schrey er synen gesellen an / vnd sprach / O we ge
selte / sichstu nit das groß wunder zeichen / so hie geschē
ist / disen kertzē hat got selber an gezündet / wol an bald
vnd laest vnß fliehen / wan ich forcht das differ mort / wie
mer vngerochen blibe / vñ flühent vß der zelle / vñ so bald
sy die houpter vß der zelle butten / do warent die rappē
sant menrats da / vñ stochent zū innen / vnd kr argent sy
mit iren clawen vnder iren ougen / vnd zarten inen da
das hor vß / vnd schauwen vff sy das es allent halben in



Dem wald erschall' / Do lieffent die morder schnellliche an
den Zürich see / vnd flogent innen die rappen all nach
mit krezen vnd mit zerrren / vnd mit grossen geschrey / vñ
hettten geen iren herren gerochen / vñ do die morder gen
woltrowe kament / do stond sant Wentrats geuatter der
der zimmermā vo: synē hūser vnd zimbrēt / vnd syn brū /
der by inne / vnd do die morder also mortlichen kament
gelouffen / vnd die rappen also vast vff sy schauwent // do
sprach der zimmermā lieber brüder / sint das nit mines
gefatteren rappē / do sprach er / ja brüder sicherlich // disse
lüt hand im etwas geton / das rechant die rappen gern /
Do sprach der zimmerman / lieber brüder so ermanen
ich dich brüderlicher truwen / das du innen nach gangeß
vnd lügest war sy wollet so will ich hin louffen zū mi-
nen geuatter / vnd will do lügen was yme sy. Vnd do er
in den wald kam / do begegnet ym ein so süßer geschmack /
vnd wundret in wannen der vil süßer geschmack komen
mochte / vnd als er in die zell kam / do sach er / wie syn ge-
fatter ermorder lag / vnd wie die kertze zū synent houpte
stünd vnd brant / als bald er das ersach / do kert er wider
vß dem finstren wald / vnd do er gen Woltrow kam / do
schickt er syn hüßfrowē vnd ander eerber lüt in den wald
das sy da by sament vñ das man sy mochte bestatten /
vnd lieff er sinem brüder vnd de mordern ernstlich nach /
vnd fragt alle die lüte die yme bekament / ob yeman hett
gesehen zwen man vnd zwen rappen die do schauwent /
Do ward er gewiser von den luten / die das wonder ge-
sehen hettent / wie sere die rappen schauwent vff die mor-
der / vnd wie vbel sy sich gehübē / die richtent sich gen zür-
rich / vñ do der zimmermā gen zürich kam / do fand er
synen brüder / vñ sprach / lieber brüder es ist vbel gangen
in dem finstren wald / wan myn lieber gefatter ist ermor-
det / Do sprach syn brüder / werlich brüder das versach
ich mich wol / wan ich gesach nie lüte ein mor so vast gere

eben als die rappen hant gethon / sichstu wie freuellicheit
 sy gebaren / Nun seit vns die geschriff / das die morder
 sossen zu zürich in dem mercke in eins offenn wirts hus



ob dische vnd assent / vñ wie das die rappe durch die stu
 ben vff in schüssent / vñ de morder den win vñ die spys
 vff dem tische vmb schutren / vnd die morder seer vnder
 iren ougen kratzen vnd stachen / vnd nyeman mochte
 innē dz werē / van der almechti got wolt es also han vnd
 do dz der zimmermā vñ syn brüder ersahēt / do gyncēt



sy vnerschrockenlich in die stuben dar in die morder saß-
sent / vnd sielen sy an fur morder / vnd antwürtete sy de
gerichte zu zürch. Do thette got syn gnade / wan als bald
sy dem geweltigen gerichte würden geant wurt fur mo:rd
do veriaßen sy / das sy schuldig weren des mordes / vnd
den heiligen man ermorder hetten / vnd seitten offentlich
alle die zeichen die da waren geschehen / vnd do namen
die ersamen fürsichtigen vñ wysen herē vnd burger der
erwirdigen stat von zürch / vnd schleiften die morder vß /




vnd nach rechter vntail vnd keiserlichen rechtē wurden sy
 geredert/vnd wolten die rappen von dem gerichtē vnd
 von den redern nie kōmen vntz das sy sturbēt/do slugēt
 sy weder hein in den finstren wald/do mā sy noch alle ior
 an sant menrads obent sicht vff dem minster / Der tag
 des lieben heiligen sant menrads/der iſt alwegē an sant
 Agnesen obent/das iſt vff sant sebastians tag

Hie nach werden ir sehen wie man die zwen mōr/
 der Peter vnd Richart legt vff reder.vnd die rapē
 bissen sy altzyt vntz das sy sturbent,



Hier nach werden ir sehen wie man die
zwen mördter Peter vnd Richart mit de
redereu zü eschen verbrent.



Das nachschüt man die eschen von
den mörderen vnd von den redereu
in das wasser das sy verfließen.



Also hant die zwen mö:der ir end gnomen /
vnd der heilig sant Wenzel zü dem almecy-
tigen got geuaren /



Dieses mord vnd der tod des heiligen herrē sant
 Wentrats ward verkündet vñ gesezt synē var-
 ter dem abte in der richnow / der syn geistlicher
 vatter vnd syn ober was. Der selb abte sant syn
 botten vnd brüder in den finstren walt / das sy den heili-
 gen man wider in die richnow in syn gotzhuß fürten / da
 er ruwen solte nach synē tod / als ein yeglich cristē mēsch
 billich by syner rechten lüttilchen ruwen sol. Vnd do sy
 in brochrenz fornen vff den etzel / vnd sy do wolten ruwē /
 do wolt sich der tod lichnam nit me ab ster noch von dan

nen tragen lassen/ Das mā in vffschneid / vnd vffer ime
 Das hertz / die lungen / vnd lehren / vnd was in im was /
 vnd man es do begrüb do iez sant menrats cappelstat /
 Dar nach ließ er sich vffheben / vnd absette / vnd von dan
 nen tragen vntz in die richnow / do ward er erlichen be /
 stattet / vnd lag do hundert iore Das er ward erhabē / vñ
 Dar nach stünd sāt menrats zelle sechzig ior / Das nie mē
 schlich wouung do was /



E Nun merck von des künigs sun von Engelland
 sant gregorius vnd sant Eberharts.



Dar nach vber sechzig ior do kam die stime got-
 res zü des küniges sün von Engellant / der da
 hieß gregorius / vnd ein heiliger clusener was /
 er was in beschloffen zü rome vff einem berge /
 der hieß iulio / vnd sprach die stim zü im / gregori. du solt
 faren in tütsche land in den finstren wald in sant men-
 erz zelle / vnd solt do wonen / wan do wil got wonderlich
 ding durch dich würcken / vñ kam die stim also dry nech-
 ten nach ein ander zü dem heiligen man sant Venrat.



Nun was zu den selben zytē zu strassburg gessen ain
 herr / der hieß Eberhardus / vñ was ain dechen vff dem
 bishum / der was also wyß / das künig vnd keyser vnd lan /
 des heren nüt therent on syn rott / zu dem kam auch die
 göttes stimme die selbe dry nechte / vnd redt mit yme als
 hie vor geschriben stor' Nun was der heilig man gregori
 us / der do zu rome was gessen in so grosser sorgewie er
 volfürte das gebot gottes / das yme got gebotten heten /
 das er nit wüßte wo hin er solte in tiischen landen wo

Der finsterwald gelegen was / Vnd als oft er prediget so
 verkünder er / ob yeman wüßte / wa der finsterwald gele-
 gen were. Vnd do eins mals ward ein jubel jorz / was
 in einer rom fart / do het er aber geprediget / vnd fraget
 aber offentlich am kanzell ob yeman wüßte / oder ye gehört
 hette in welchem land / oder in welcher gegēheit der finster
 wald in tüttschen land gelegen were. An der selbenpredi-
 ge was ein burger von zürch / der stund vff vnd sprach /
 herr ich weiß den walt wol / wan er lyt nach by zurch. Do
 sprach sant gregorius / ob yeman dar wonhafftig were /
 Do sprach der burger / do ist yetz nieman wonhafft. A-
 ber wol han ich hören sagen das vor etwas zyten gar ein
 heiliger man do was gefessen / der hieß menrat / vñ ward
 do ermürdet. Do sprach sant gregorius zü yme / lieber
 brüder du hast vor geseit / Got hat dich mich her gesant /
 ich bitten dich lütterlich durch got / das du mich da furest
 in tüttsche land / vnd mir zeigest den finstren wald / darin
 ne han ich mit min leben zü verschliffen. Der eerber mā
 von zürch was fro vnd nam sant gregorius mit im / vnd
 firt in in tüttsche lant Vnd seit vns die geschriffte vff den
 tag als sant gregorius in de finstrenwald kem / das ouch
 vff den selben tag sant Eberhart der dechen von strass-
 burg do hin / Vnd als bald sy ein anderen ye ane sohent /
 als bald erkanten sy ein ander nach der vermanung als
 inen beiden got gethon hette.

Nun seit vns die geschrift do die zween herrē erwie vil
 zytes do warent / vnd als die zelle was nider gefallen /
 dar inne sant menrat menge heilige messe gelesen hette /
 das sy zü giengent / vnd ein cappellen bñwen wolten / dar
 inne sy got dyenen wolten / vnd giengen an das wasser /
 vnd trügent wasser vnd stein mit iren krankten liben vff
 die hoffstat do sant menrat was gewesen / vnd branten
 kalch / vnd fiengent an ze muren on aller meister hilffe



wan das sust selig lüt by inen wonhafftig wozent/vñ bu-
wetten die cappelle die noch hüt by tag vnser frowē cap-
pelle ist/Vnd do die cappelle vnd der bñwe volbracht
vnd gemacht ward/do santen sy gen Costantz nach sant
Conraten/der do ze mai bischoff was/vnd botten in das
er so wolthette durch gottes willen/vñ zü inen keme vnd
inen wichte ein cappellen in der ere der wurdigen mütter
gottes sanete mariē/vnd sant Cünrat die kortschaf vernā
do was er fro/wan er wol wiste das do heilig lüte wozent
Vnd er entbott innen widerumb/er wolt es gern thün /



vnd thett innen kint/ das sy sich darnach richtet/ er wolt
an des heiligen criutzes abent zü herbste by inen syn / vnd
wolt inen morgents früg die cappellen wihen / Sant
Cünrat der bischoff von Costanz nam zü yme sant Vl-
richen den bischoff von Augspurg vñ ander heilig prie-
ster / vnd zugent hin gegen dem finstrenwald vñ do das
die lüt vernomet die in der gegent darumb gefessen wa-
ren / die zogē dar / rich vñ arnung vñ alt mit ein ander /


in dem wald/ darumb das sy auch der gnaden teylhaff-
 tig würden vnd des aploß des ampts /



W Ir Babst leo von gottes gnaden ein knecht aller
 gottes dyeneren/ es symt wol der babstliche für
 sichtigkeit/ wo selig hofftet sint/ vnd die in cristli-
 chem schine wesen hant mit willigen lyten / das wir den
 zu hülf/ konn / vnd allen den/ die vns ratz fragen / od
 vns darumb bitten/ mit schneller demutygunste/ vñ rot
 gebent/ wan do mit ver dienen wir von dem schöffer al/

ler dingen den hochsten lon/wen wir eerwirdig hofftet /
oder gortzüser besserent/vnd sy in ein hocher gnade vnd
eerwirdikeit gefert wurdent / **H**ie von so thun wir kunt
allen eristen vnd selligen lüten/die nun ze mole lebēt vñ
ouch hie noch geboren werdent/das der erwerdige vnser
brüder vnd mit bischoff von Costantz bischoff Cünrat
genant/by vnserem lieben sün keyser otten/vnd frow A-
delheiten syner lieben wirtin/vñ by mengen andren für-
sten hat für vnß geleit vnser wirdikeit/das er gebeten vñ
geruffet hat zü einer zelle die in Costantzer bisümme vnd
in des vorgeantten keyzers gebieten gelegen ist / vnd be-
schach das/do mā zalte von gottes geburt/nün hundert
vnd acht vnd fiertzig ioz.vnd do sant Cünrat vff mite-
nacht nach syner gewonheit durch gebets wille vff stund
do hort er vnd etliche ander geistliche brüder mer der al-
ker süßosten gesang/des geliche sy geduchte mie gehort het-
ten/vnd do er mit flisse wolt erfahren was die gehordewe-
re/do enpfand er gewarlich/das es die engel gottes wa-
rent die sollichen süßen gesang sungent/vnd solliche or-
denung hetten zü der selben stund/als dā die bischoff hüt
by tag pflegent ze haben / so sy kirchen vnd gottes hüser
wyhent/vnd do des morgens früg ward vnd mengliche
gerechte ward/vnd sich der bischoff sompte vil nach vntz
vff mittag/do gingent sy mit ein ander in die cappelle/
vnd baten den bischoff das er das heilig ampt anfienge
durch des willen er were dar komen/vnd do er sich dar
an sompte/vnd er verzoch/vnd inen beschiede mit war-
ten was er gesehen hette/ darumb straffent sy in vast /
vnd do er bereit wart an ze fahent/do hortent sy alle das
ein stime kam von dem himel/vnd zem dritten mal brü-
der hör vff/es ist alles beschehen/dar ab erschrocken sy al-
samt/welle do wozent geistlich vnd weltlich/vnd bewer-
tent das die geschriben getat heilig vnd worhafftig were

vnd seiten dar nach das die cappel himlische gewicht we
 re/ Des die vorgeanten vnser lieber brüder vñ bischof
 gen rome zu sant Peters vnd paulus müenster vnd be
 gert do vnser getrewen rottes/ ob nach disser geschlechter
 worheit yme oder do kiemen bischoff nach yme möglich
 oder zymlich durch wihens willen syn hende dar an zu
 leggen/ des hetten wir der obgenat leo der babst rot der
 erwidigen mairnen vnser mit bischoffen der name her
 nach geschriben sint/ Harro ein erzbischoff zu Mentz/
 Bruno ein erzbischoff zu Koln Anno ein bischof zu Worms
 Otto ein bischof ze wildenschin/ Deke ein bischof zu Wir
 midonien. Pekenbald ein bischof zu Strasburg/ Harti
 berg ein bischof ze chur Egghart ein abt vffer der Rich
 now Burkhart ein abt zu sant gallen/ vñ democh vñ
 mer erber mannen mit derren rot mir die wihin der vor
 genanten cappelken wollent besterigen das er veste vnd
 stette belibe ymer ewenlich vñ das der selbig bischof ein
 rat von Costantz noch deheiner syner nachkomen hinna
 für sine hende dar an niemer gelegen soll/ das gebieten
 wir by gewalt vnd by gehorsame der hochē himelfürsten
 sant perers vnd paulus vnd aller vnser vorfaren/ vnd
 ouch vnser bobtlichen gewaltes.



 Erumb durch gebette vnd meinig vnser lie
 ben suns keisers Otten der sunderlich die selben
 cappelken lieb hat vnd der seligen frowen frow
 Adelheiten siner wirtin mit rot der vorgean
 ten vnser brüderen vnd bischoffen gezüchnissen gotlichs
 vnd geistlichs gerichtes vnd by dem ban des obersten er
 widigen gottes so besetzen wir vnd gebieten allen den
 die eristlichen namen habentwer der mensch ist gewal
 tig oder vngewaltig/ geistlich oder weltlich/ die wider vn
 ser gebott oder hantfestung freuelich trette / oder wer dz
 vorgeanten gortzhuß oder do heime syner armer lütt /

oder güte die es yetz hat oder hie nach mit gottes vnd by
der lüt hilf yemer gewinnet ab züchet / wie das beschicht
an gunst des Besseren vnd erwerdigen teils des abts od
des gemeynen Conuents / die got auß dā Dye nent / oder
u er sy von ir nachstruwe freuelichen tribe oder ir lütawa
die gefessen synt freuelichen angriffen woltēt / vnd sy be-
schädiger an ir lib oder gütre / der soll von gottes gewalt
vnd auch von vnserem besplichem babstüm vñ gewalt
gestriekt syn in den ban / vnd dar zū ewiglich von gottes
rich verschalten syn / auch alle die das selbe vnser gebott
haken die synt in der gnode des gesegnetten almechtige
vnd ewigen gottes yemer vnd ewiglich / wir enbinden sy
auch von den banden aller ir sunden / vnd wir sagen le-
dig von schulden vnd von pyn alle die menschen die dā
die heiligen erwidigen hoffiat der cappelte vnser liebe
frowen zū den einfdlen in demüt mit gütter rüwe were
vnd ganzer bichte noch sinem besten vermögen vnd mit
gütter andacht kein süchent vnd geschent / das thün wir
von gerruwen der gnoden des almechtigen ewigen got-
tes vnd der hohen fürsten sant Peters vnd sant Paul⁹
vnd auch von gnoden der heiligen cristenheit / vnd von
gnaden vnd gewalte des heiligen stüls zū Rome.

Dies schribt Petrus schribber vnd Cantzler des stüles zū
rome in dem dritten herbstmonet an sant martins tag /
vnd wart mozendes verlesen / do zegegen wozent Leo
der babst vff synem sessel by sant peters altar / keiser Otto
von Rom / herren Dit syn Sun / Fraw Adelheit die lei-
serinne vnd die vorgeanten vnser erwidigen brüder
vnd dar zū meng furst von tütischen vnd welschen landē
vñ ist bestatiget mit der hant des heilige bobst leonis der
achte de an disem namen / vñ an der zale diser ordenüg
was er der hundertost vnd der sechs vnd triffigost /

vñ beschach das do mā von gottes gebürt zalt/ nūn hon-
dert vnd vier vnd sechzig ioren.


Nun wil ich hie nach sagen wie die cappel zū den ein-
sidlen gewicht ward von vnserem herē iesu ch̄isto selbst.



Das ist wie vnser herre iesu ch̄ist^{us} die cappel
lē zū den ein sidlen selber wichte/ vñ wer do ze
gegen vñ do by vñ mit was Der aller gewal-
tigest k̄ing d̄ engelē wirdiget noch alle zyt die
syn aller liebste syn/ vnd die vsserwelten ze gesehēde/

so er gotlichen dingen gyt zu schowende vnd zu erkennē/
de/als wir hie nach wol merken mogent. Do man zalt
von gottes gepurt/nün hundert vnd dry vnd siertzig ior
do keyser Otto Driizehen ior gerichtsher her / vnd Agapi-
tus der ander/ des namen bobst iherome was / vnd der
heilig sant Cünrat bischoff was zu Costentz in dem vier-
zehene ior syner pflegnüste an des heiligen crüzes tag ze
herbst wart gewyhet die cappel zu den einviden von vn-
seren lieben heren iesu cristo / vnd von synen lieben heili-
gen engelen / als vnß hat geseit sant Conrat bischoff zu
Costantz / sant vlrich bischoff zu Auspurg / / Sant Gre-
gorius des künigs sunn von Engellant apt zu der selbe
hoffrat / sant dietlant abt des selben closters / die in iren
heimelichen gesichten es befunden habēt vnser herr kam
selber von himel / vnd was bedeyt mit einem vyolfarben
messackel / vnd stünd vor dem altar in vnser frowen cap-
pel zu volbringen das heilig ampt / vnd waren zegegen
die vier euangelisten / vnd sazten in die ynsten vff / vñ ab
als den gewonlich ist / vnd die heiligen engel herrent gul-
den rouchfaß / die ruscherent recht als die geloubten eite
rhint vff den boumen. Sant gregorius der bobste stünd
by vnserm herren / vnd hett den wädel in der hant Sant
Peter stünd an ainem ort des altars / vñ hett den bischoff
stabe in syner hant / Sant Ambrosius vnd sant augusti-
nus die stundent vor vnserem herren / vñ dienten im zu
dem ampte / vnser liebe frow sancta maria stünd vff dem
altar in sollichem schine als ein blutzgeschöß / sant nichell
was vorsinger. Dvch soll man wissen das die engel solli-
chen gsang do sungent als bischoff die kilchen wihent hür
by tag pflegen zu habene / Sant steffen laß die Epistel /
sant laurentz laß das eunngele / vnd die ander engel vol-
brachten das heilig ampt gleich als mit orgelen / Das sa-
ctus ward also gesongen / der heilig got in der pfallentz
der gñlichen magde / der heilig got an dē altar des fron

crützes. Der heilig vntorlich got. Ein günlich vñ frölich
vstendi vnd d dis alsus dominus deus sabaoth/ Pleni
sunt celi et terra gloria tua osanna in excelsis /vnd dz be
nedictus also/ Geseget sy marien kint ewendlichen richf
nende/ qui venit in nomine domini/ osanna in excelsis.
Vnd das Agnus dei Heiliges lamp gib freud den le/
benden vnd den totten die miltentlichen by dir werden
richfnen. Das dis alles also beschehen sy/ das sol man
on allen zwifel gelouben/ vnd ouch en alles wider reden
Wan weres das die zongen das geswigen/ so bewiset es
doch mengerley zeychen/ die do noch alle tag beschehe zü
der egenanten cappel/ Es koment ouch menger hand
lüt do von fernen landen/ die do erfrewet werden in iren
kommer vnd in ire berrüpnisse. Vnd do vnser lieber
Her iesus cristus sprechen solt. Seminus vobiscuz So
sprach er got sy mit euch/ So sprachet die engel/ der do
sitzer vff dem obersten trone/ vnd sieht in die abgrüt der
hellen. Dises stat alles geschriben in der heimlich der /
heimlichkeit des heiligen sant Conrat bischoff zü Costätz
in dem büch des anfangs der hoffstat zü den einviden /
wā es ist darumb den heiligen bischoffen sant Cūrate
vnd sagt vtrichen wol zü glouben/ wan sy waren zweyer
würdiger liechter der heilige cristenheit. Hie mit hat dis
büch ain end/ got vnser aller kummer wēd/ an vnserem
end /



Dis ist sant Wenzel bunn / der noch
 hiit by tag ze Einsidlen stat
 Herrick zu Basel by Michel furter.





ga

